


浙江通志

古蹟八九



漢書門			
三	五	二	類
九	〇	號	
一	四	函	
二	〇	冊	

內閣文庫			
三	二	漢	
九	一	書	
函	〇	類	
一	二		
〇	〇		
架	冊		

內閣文庫		
番號	漢	2352
冊數	120	(23)
函號	292	48



勅修浙江通志卷四十六

古蹟

淺草文庫

台州府

古州城

赤城志按舊經云周回十八里始築時不可

攷其舊基東自小鑑湖循清心嶺而南縈抱舊放生

池直接城山嶺古通越門土地廟處蓋今湖昔地皆

闔闔中物也後乃徙而縮之

州舊子城

臨海縣志在大固山始建時不可攷相傳

隋開皇時州治在山上城有三門南曰譙門東曰順

政門西曰延慶門故址尚存

王象祖修子城誌子城東自鼓樓踰州學過東



勅修浙江通志

卷四十六

古蹟八

一

山閣包職官廳歷玉霄亭入於州之後山西自鼓樓
介於內外班之間而長於內外班曲而為洞門又曲
而依於大城內外班者錢氏存
國時子弟為守親兵所居也

章安古城 名勝志在臨海縣東一百十五里即章安

鎮也 台州府志相傳即後漢章安縣治前有水即回浦載赤城舊志新志則以為濱海薄山魚龍所

腥豺虎所穴非可莫城古者未知孰是

石鼓山柵城 臨海記臨海縣石鼓山舊有柵城唐刺

史李元奏置

漢城 方輿紀要在黃巖縣北十里建置未詳 台州府志按舊

志漢城去黃巖縣北十里有莆林郡城相傳昔置莆林郡於此然未詳何時亦無經可攷

徐偃王古城 輿地紀勝在黃巖縣南二十五里 大 唐

嶺東外城周十里高僅存一二尺厚四尺內城周五里

有洗馬池九曲池故宮基崇十四級城上有喬木可

數十圍城東偏有偃王廟 台州府志偃王古城在今

縣南五里有葉鮑二將軍廟或謂即偃王將也按韓文衢州徐偃王廟碑偃王走死彭城山下又曰偃王

之走不之彭城之越城之隅衢故越地也赤城新志謂周穆王時越猶未通中國台去衢猶遠唐嶺又在

台極南山谷中於此築城以居何哉又今所謂古城者兩山相距不一二里而謂城周十里其不足信尤

昭昭矣但相傳已久姑仍之

樂安縣舊城 萬歷仙居縣志唐上元二年始築樂安

縣城惟東西南三門東則文明樓西則義井頭南則

過街樓即舊址也

寧海縣舊城

赤城志舊城在海游或云唐大曆間徙

松門城

嘉靖太平縣志宋熙寧間置土兵設巡司於

此明洪武二十年置松門衛其故址尚存

玉環古城

嘉靖太平縣志在玉環海島上與楚門港

隔洪武中徙緣海居民於內遂墟

樂清縣志近縣有玉環城玉環鄉南

社洪武中徙其民於內地

古州治

赤城志州治舊在大固山上今承慶院是其

處有子城故址焉後隨州徙

台州府志按舊州廳置於大固山屈光公居守

以其地勝立屈氏次子惠坦為太守改家為州按坦吳人而臨海郡置於太元二年此建立之始也後

以峻不可躋遂徙焉光公即見

宋諸廳

赤城志通判廳在州西五十步淳熙五年通

判管銳重建添差通判廳在州東四十步舊為判官

廳紹興十六年通判洪适改建判官廳在州東七十

步淳熙三年以舊比較務改建推官廳在州東五十

步嘉定三年推官趙師回重建錄事廳在州南六十

步院在焉宣和三年工曹陳彙建司理廳在州南

九十步嘉定七年司理吳焯重建司戶廳在州南五

十步宣和元年戶曹滕膺建司法廳在州南十步淳

熙九年司法朱孝倫重建支鹽廳在州東南報恩寺

後開禧元年監官王杖以都監倉改建巡轄遞鋪廳

在崇和門外淳熙十年巡轄趙舜舉建謝零台州司戶廳壁記台

州司戶參軍唐至德間著作郎鄭虔嘗以謫官居之今州城東偏猶以戶曹名巷國朝宣和初滕君膺來

創解舍為屋三十楹榜曰戶曹廳

宋推勘院 赤城志在州東南嘉定六年守俞建建

宋軍營 赤城志雄節第六指揮營在州東北天慶觀

前威果第六十指揮營在州東米倉前崇節第三十

一指揮營在州東南靖越門內牢城第十三指揮營

在州東都米倉前壯城指揮營在州東崇和門內

宋水軍營 台州府志在崇和門外東湖宋端拱二年

郡守張蔚建嘉祐中守徐億徙營入城

宋貢院 赤城志舊貢院在州東先以韓運判宅址為

之後徙兜率院殿柱間刻云終場三千人院據山腹

陟降不勝遂徙今地今院內有宰秀亭

漢南部都尉治 元和郡縣志南部都尉本漢之回浦

鄉分立為縣後漢改回浦為章安輿地紀勝回浦縣即南部都尉治所

吳臨海郡治 嘉靖臨海縣志吳太平二年析章安置

臨海縣復分會稽東部六縣置臨海郡徙治章安即

宋今章安鎮

漢回浦縣治 方輿紀要臨海縣東一百十五里本漢

之回浦縣治後漢建武中改為章安縣赤城志即章安城

唐大郭營 明一統志臨海縣東有寨溪舊傳唐末寇作遣方將軍駐兵於此側有大郭營

宋新亭監 赤城志新亭鹽監在臨海縣東南六十里

按武烈帝廟記乾符二年新亭監給官莫從易重建堂定又九國志載元德昭知台州新亭監

漢東甌國 晏公類要東甌居海中今臨海永寧縣也

黃巖縣志黃巖本東甌地禹曆寧海縣志漢立閩君搖為王置東甌國後國徙乃以其地為回浦是為東甌

漢東部都尉治 方輿勝覽台州郡漢屬東甌國後立

為治縣東漢末分治縣為東南二部都尉東部臨海

即郡國志東部侯國

唐永寧縣治 後漢書郡國志永寧永和二年以章安

縣東甌鄉為縣 名勝志唐上元二年復置永寧縣則今之黃巖而改名則天授之元年也

宋兵屯 台州府志黃巖縣西將旗嶺宋牟大昌屯兵

處又有軍營溪宣和中官軍禦寇結營於此

唐洗馬潭寨 赤城志在天台縣西北下馬橋唐裴甫

之亂以天台國清寺建寨與馬敞墀三墩堂皆諸將

議事之所又有王軍塘為犒軍之所 台州府志舊志未有寨之名而

宋今稱洗馬潭寨未知何時也

唐石壘寨 赤城志在天台縣北五十里關嶺上壘石

為之唐廣德元年王師討袁晁處今遺跡尚存

宋始豐寨 天台縣志在赤城山西宋咸平元年建

縣志有人於鎮國將軍廟基掘得古鏡文曰始豐寨主鎮國大將雷擘造疑此廟即始豐寨基

晉樂安縣治 元和郡縣志晉分始平南鄉置樂安縣

唐上元元年復置於孟溪側萬歷仙居縣志晉永和

三年析始豐置樂安舊治在西郭演武場北 仙居縣志縣址

凡三遷今址起於宋建炎二年令張亨所定舊志稱晉永和四年羊欣所遷誤也相傳羊公時治在店家

跡俱在舊治尚有存者方行可仙居縣廳壁記仙居晉名始豐後析其南鄉別為縣曰樂安仙居即樂安舊壤至上元間再廢再置易曰永安而遷治孟溪即今縣舍也逮景德中改曰仙居以其洞天名山屏蔽周衛而多神仙之宅因以名焉

宋白塔寨 方輿紀要在仙居縣西三十五里宋宣和

中因寇亂置寨今為聚落

晉寧海縣舊治 台州府志縣東五里白嶠山晉武帝

初置縣治於此萬歷寧海縣志晉初設於白嶠唐徙

海游永昌元年徙今里 錢惟演寧海縣志新建衙樓記

台路連石姥時生英秀代出神仙一派桃源阮肇曾游之地千尋瀑布與公作賦之軒檐半空烟霄咫尺

足樂拱交結丹漆相鮮晴曦照於觚棧翠巘四圍於爽塏雙扉洞啟宜駟馬之並驅層構鼎新若蜃雲之擊

宋松門寨 台州府志太平縣松門山上宋時有松門

寨 潘伯修松門寨詩沙巷蛟涎白沙門

力修浙江通志 卷四十六 古蹟八 六

梅園 赤城志在臨海縣仙宮後

茶園 雲笈七籤臨海蓋竹山舊傳葛元植茗於此結

廬而居焉

小鑑湖園 台州府志在臨海縣東湖北宋參政賀允

中先居天台萬年寺後寓此以唐賀知章自請鑑湖

一曲故名有占春堂枕流漱石二亭

琪山園 臨海縣志舊名小寒山即南岡書院

松隱園 萬歷天台縣志宋開府曹勛宅在北城外嘉

靖臨海縣志在縣之清潭山有明秀堂莊畔有陂廣

十餘里

陳氏園 曾丰東巖堂記天台為二浙第一勝處今臨

川陳公劃所辟城東數十畷而東西之東所揭曰小

瑤曰生秋曰瓜風曰蜜露曰齊芳凡五西所揭曰開

春曰見笑曰問開曰花嶼曰飲巢曰數紅曰記好曰

涉趣曰四友凡九其外則二堂突兀東曰東巖五之

會也西曰勝賞九之會也東巖則又西勝之會歟自

慶元丁巳經始自為韻語樂章發揮之園無遺景景

無遺勝公名廣壽字成卿

南園 萬歷天台縣志縣東門外有宋待制黃宜南園

今廢為農田俗稱黃府園其宅在縣東一里

小西湖園 赤城志 仙居縣西有小西湖給事吳芾所

創延袤數里內有亭館凡十數 仙居縣志 卽今石井

爲湖岸植桃柳朱
闌環繞誠勝地也

淡園 萬歷仙居縣志 在縣北光明山之陽內有倚嘯

閣漣漪亭通幽處拜石軒諸勝宋張文肅公次賢投

閒處也

東澗園 萬歷仙居縣志 在城南東河宋提舉陳章引

河水貫其中跨以虹橋叢以竹林有浮香羽波諸亭

及五松臺爲邑名園之冠

閩風園 崇禎寧海縣志 在主簿署內劉次臯建

雲海觀園 崇禎寧海縣志 丹邱見於孫綽賦其地有

丁氏園名雲海觀 王綽雲海觀記 丹邱列仙之所萃

園回環曲折曰堂曰亭曰臺曰榭曰林曰坡曰窩曰

谷無慮二十餘具載於雪巢林景思之賦咏至於奇

詭特異之觀則自小垂虹而入跨蓮蕩不知幾何畝

有堂歸乎其上一曰芙蓉此尤雪巢之所長吟而永歌

者龍川陳同甫一見輒心可之此今五十有二年子

植追想舊事因芙蓉故址故爲傑閣以雲海觀目之

蓋取坡公玉霄雲海之詞以

補先世之未爲者子植名木

藥園 謝仍藥園小畫記 余家舍之旁葺茅竹爲園總

名之曰藥園下瞰黃甘塢後浸白蓮池有水芝軒靈

泉館挽衣寮澗畦亭劇青堂薜荔堦明珠菴僧宗了

畫爲圖筆跡甚可喜

丁園 嘉靖太平縣志在溫嶺宋嘉祐間丁仲鑑創

熙春館 赤城志在府治淳熙十六年守史彌正建

天台館 赤城新志在府治南一百三十步宋紹定中

倉使葉棠建赤城志俗名行衙

嘉祥館 赤城志在州東五十步舊號小行衙

泰安館 石公補臨海泰安館記紹興六年徽猷孫逸

建

望海館 臨海記臨海宴室山上有越王望海館

亭山館 赤城志在黃巖縣南瀨河慶元五年令常濬

孫建

澄江館 黃巖縣志在黃山樓側宋紹定二年令趙汝

駟建并記

靈溪館 正德天台縣志唐靈溪館在縣東許渾發靈溪館詩山

多水石第一葉似漁翁鳥浴寒潭雨猿吟暮嶺風雜英垂錦繡衆籟合絲桐應有曹溪路千巖萬壑中鄭

巢靈溪館詩孤吟疎雨絕荒館亂峯前曉露棲危石秋萍滿敗船溜從華頂落樹與赤城連已有求閒意

來期在暮年

金庭館 名勝志在桐栢山北許邁與王逸少書云自

山陰至臨海多金庭玉堂仙人芝草是也

白鷗莊 王士性白鷗莊自記余郭東溪頭小隱處也

得二洲三島有白石山房空濤閣綠雲亭蓮社竹籬

茆舍夕陽塢先月墩嘉樹臺白龍溪芙蓉城三星石
曲水瀨竹林精舍小祇林雲碓卧雲坪忘歸石是地
為宋秘閣陳良翰之故居

靜鎮堂 方輿勝覽在州治唐李嘉祐為守竇常贊之
有誰登郎位靜鎮方州之句故名

君子堂 赤城志在靜鎮堂之前太平興國三年畢文
簡士安來守真宗有君子之稱故名

尤袤題府署君子堂詩堂堂文簡公一世夔與阜君子哉若人此言聖所褒遺愛在斯民誰能薦牲牢獨有坐嘯地清風仰彌高

節愛堂 輿地紀勝在州治君子堂右赤城志舊名燕

豫淳熙四年守尤袤重建改今名

尤袤節愛堂記過靜鎮堂之左少南
為方池並池而南墻壁障礙敗屋傾欹闕諸故老曰此昔之燕豫堂也池舊有橋橫縱齊度其東為草堂今皆毀撤後人因基築臺以望月其下枕池為小閣名曰清平臺亦漸頽圯余既徙臺於參雲亭之後榜曰匿峯以望北山更作堂曰樂山以望西山之秀而池光山色且蔽於閣而不得見也乃徙閣於池之南因燕豫堂之基別為堂曰節愛取節用愛人之義旁為扶廊而上與樂山堂通池之北石崖盤踞土壤所壅疏剔理脈發露呈顯如枕股膊如覆困廩如鼉鼉之背負土而出西望連岡疊嶂如擁鬢髻如展旌旆如風檣陣馬排闥而入其南則恰嶺二峯角立明秀若偉丈夫冠劍而坐雙塔亭亭影插半天於是仰山俯池遠樹近石環列先後若相拱揖烟消日出層樓飛閣浮虛跨空如展圖畫如望蓬萊之雲氣也夫昔人經始莫不相山川之宜一定而不可易後人見其蔽而不能復也始出己意變易之遂使昔之勝槩日就湮沒今余非獨能有所增創也大抵無改前規無廢後觀覺天宇開明巖壑爭秀林木水鳥皆有喜色而後知昔人之規模可因而不可變也尚告來者嗣有葺焉始欲跨池為橋池上有老梅惜不忍伐遂不

復作

霞起堂

赤城志在靜鎮堂後淳熙三年守尤袤建取

孫綽賦赤城霞起之句

台州府志明天啟中改為霞起樓

凝思堂

輿地紀勝在霞起堂後淳熙中守尤袤建

雙巖堂

赤城志在凝思堂後慶歷八年守元絳建

謝

雙巖堂詩：靄沒雙巖已百年，班班勝事漫流傳。幸陪佳客揮犀塵，還欠傾城舞繡筵。故老風流寒似鐵，月卿英妙筆如椽。拂衣便欲故山去，復恐眼中無此賢。

樂山堂

輿地紀勝在清平閣下淳熙中守尤袤建

和青堂

輿地紀勝在州治

與清堂

陳埴與清堂記：台州錄事廳舊有挹翠堂，趙

君汝回作郡葺而新之，更曰與清。

青青堂

石公孺青青堂記：會稽陳彙德應司台之工

曹事廳之西為小堂，植竹數百竿，命之曰青青，即錄

事廳是也。

登瀛堂

輿地紀勝在倅廳慶元三年通判趙彥衛以

欽廟所賜唐十八學士像刊於壁，故名。

景沂堂

歲寒堂

赤城志並在通判廳

李宗勉重修台州通判廳

記：廳事穹隆，堂宇顯敞，廊廡纒麗，戶牖燦閭，總為楹三十有，四舊有芝秀，承其左登瀛，景沂歲寒處，其右堂後山巒鬱律，林木青葱，自蓮風閣登，萬壑風烟，最為奇勝，旁列雲水梅榭，雲海嵐關，無非嘯咏游息之所，迎風納月，恍若蓬壺，觀者愕眙，屹為千里壯觀。

清閼堂 赤城志在添差通判廳通判洪适建於分繡

閣之下

洪邁寄題清閼堂詩昔聞王子猷借宅亦種竹此君固可喜人亦清不俗伯氏貧而癯

飯不飽肉堂前自經始護此無盡絲一官歲強半餘日如轉燭待其長稚子而已牽歸轂何由享嘉蔭償

我志願足應煩彼邦人日報平安福

遺直堂 赤城志在推官廳後熙寧中孔文仲為從事

手植檜於堂後越八十年其甥曾幾來為守因揭今

名 曾幾題遺直堂詩三孔吾渭陽猶及見仲叔堂堂舍人公再拜但喬木長身一庭中勁氣九霄上思

公立朝時凜凜不可尚

虛照堂 平心堂 琴堂 嘉靖臨海縣志並在縣治

內宋淳熙中令彭仲剛新之並有詩

孔先堂 赤城志在臨海縣簿廳嘉定七年主簿趙汝

駒建

葉適孔先堂銘非籍不有惟籍乃守先聖所止後學敢繆臨海之邑俞米寸帛必信必實以作

民極

景樞堂 赤城志在臨海尉廳內淳熙六年尉葉嵩建

以王淮先為尉後位丞相故名

赤城志論尉廳在州東四里地據形勝其

前秀巒環峙曠野平鋪後有峯屹然龍困水瀉出其右是以為吏者多通顯云

瞻節堂 赤城新志在郡城朝天門外元泰定間郡守

趙鳳儀建

共樂堂 輿地紀勝在郡城外東湖台州府志宋慶元

三年郡守劉坦之改名知樂

綠猗堂 赤城新志在臨海城門張哲齋建

文天祥綠猗堂詩并

引予自海舟登台岸至城門張氏蓋國初時名存永德之後主人號哲齋開堂教子扁曰綠猗為賦八句義方堂上看窓戶翠玲瓏研裏雲壇月席間淇水風清聲隨地到直節與天通庭玉森如筍干霄雨露功

清心堂 民和堂 赤城志在黃巖縣治紹興中令楊

煒建堂名曰清畏後令胡璉去畏字改名清軒後令

劉鼎孫又改曰清心并建民和堂於縣圃 鄭伯熊清軒詩樹蕙

餘百畝蕪蘭當路岐清風一披拂香氣無不知細為楚纍佩屏我幽觀委小草生澗底雨露無恩私不入兒女玩歲晚得自持所以古君子清德畏人知

歡顏堂 黃巖縣志在縣廳後宋嘉定元年建

香遠堂 赤城志在黃巖縣丞廳舊名紫翠軒嘉定十

五年丞趙彥珽更今名 左緯香遠堂詩試捲朱簾看青山有幾重崢嶸秋色老蒼

莽暮烟濃未辨清猿處遙知白鳥蹤藍田無此景留盼只雙松

王公客堂 太平寰宇記臨海仙石山有館土人謂之

王公客堂兩邊有石步廊王方平所游之地

李商隱著書堂 輿地紀勝黃巖縣西崇報寺靈石傍

有唐李義山著書堂

金山堂 輿地紀勝黃巖縣金山上銳下澗宛若金字

王侍郎居安築堂面之號金山堂

秀野堂 王瞻叔有題台人秀野堂詩見王梅溪集

靜治堂 樓鑰靜治堂記丁君大榮宰天台闕縣治之

左為堂請書扁且求記焉

平心堂

赤城志在天台縣治淳熙三年令薛洪建

瑞萱堂

赤城志在天台縣治乾道二年令李異建嘉

泰二年令丁大榮得粟一莖六穗更名瑞粟堂

高察書堂

萬歷天台縣志縣北察嶺與金地嶺接漢

高察所隱之處舊有讀書堂故址

顧歡書堂

天台勝蹟錄天台顧儒嶺舊名東昂有齊

顧歡讀書堂

天台縣志今普慶寺即其故址

太白堂

王士性遊天台山記度華頂有王右軍墨池

上為太白堂其堂前有三娑羅樹四月花開如芍藥

賈詩太白書堂詩太白千載豪神遊渺湖海漠漠此山中而有書堂在崖斷綠蘿深澗寂寒泉灑撫景一瞻雲牙

雙清堂

天台縣志在大隱峯宋錢厚之建王銍記

玉輝堂

王士性遊天台山記巾子山半為玉輝堂登

堂見靈江來自西北環抱於前

雷峯堂

天台勝紀在輿國寺上傍有智顛繙經臺

巖老堂

名勝志在仙居縣治宋皇祐元年令陳襄建

輿地紀勝按陳襄仙居詩自注云嘗鑿池引水經竹林間以環流釣翁名臺習坎嘉魚名亭未知在縣治何處今不可攷矣陳襄巖老堂詩手持養性書此地學樵漁身類龍蛇蟄情深木石居先迷成遠復正靜得中虛何必求深隱幽蒙是所慮

安樂堂 赤城志在仙居縣治紹興中令杜師旦建

秀岐堂 仙居縣志在縣治宋慶元中令尤棐建

愛山堂 仙居縣志在縣治宋嘉定中令董履道建

樂堂 仙居縣志在縣圃宋淳熙中令唐仲溫建

鼎山堂 赤城新志仙居縣西有桐江書院宋方斲本

唐方干之裔因朱熹因行部過此為書鼎山堂扁王十朋為書東南道學世家

鑑玉堂 台州府志在仙居南峯宋蔣應雷構理宗賜

榜 仙居縣志應雷祖覺軒與朱晦菴游鑿山南桃花洞築書院於上王魯齋詩云藥鼎香浮栖鶴寺書

堂影歷釣魚船郭磊卿詩云鳥飛塔畔雲低樹忽聽清流轉客船皆紀實也

三瑞堂 方輿勝覽政和四年洪皓為寧海主簿建時

以荷花桃實竹幹並有連理之瑞已而生子适故名

洪适以貳車行縣過三瑞堂詩久已馳魂夢今登三瑞堂故山有喬木近事話甘棠展驥慚充位占熊憶問祥白雲留不住極目是吾鄉

寶勅堂 崇禎寧海縣志宋提刑羅適建

赤城書堂 王應麟赤城書堂記寧海之先賢曰赤城

先生羅公德業為元祐名臣踰二百年前進士胡君元叔倡率鄉人倣古閭塾之制即公游息之地創為

書堂令鄉之俊秀子弟淑艾之

新田書堂 赤城新志在寧海宋石斗文建

月桂齋 名勝志在台州郡署唐垂拱四年月中桂子

降台州司馬孟說冬官侍郎狄仁傑以聞 互見公署

集寶齋 赤城志在州治清平閣右舊在雙巖堂左治

平四年守葛闕建集葛元司馬承楨柳公權及近世

名人翰墨刻其間嘉定元年守李兼徙今處

依正齋 趙師回台州推官重建廳事記舍人孔公在

官日庭植雙楹後曾文清命其堂曰遺直賦詩十二

章有百年依正直之句榜其齋曰依正 孔公見前遺直堂

舫齋 黃巖縣志在縣治宋開禧中令趙汝伯建

雪齋 寧海縣志在閩風里宋逸民劉次皐吟室

雙瑞軒 赤城志在郡圃內赤城奇觀後嘉定四年守

黃瑩以粟九穗麥兩岐故名

持節軒 趙師回台州推官重建廳事記依正齋之西

闕小軒手種梧竹名以持節

與清軒 趙汝回重建錄事廳記寶慶二年余來為錄

事植竹數十更挹翠軒曰與清

謹按台州府志慶元四年趙師回為添差通判嘉定初有趙思回為推官而無趙汝回疑舊志錄此記有誤也

擁青軒 瘦軒 赤城志並在臨海縣治瘦軒嘉定十

六年令朱中直建

思隱軒 林仰臨海縣尉廳思隱軒記金華王季海作

臨海尉葺舊屋用梅子真故事名曰思隱軒

廣軒 方輿勝覽州東南巾子山北有廣軒下瞰闔閭

南眺郊藪市廛山川之盛一日俱盡

蹙雲軒 方輿勝覽在巾子山 台州府志作蹙雲軒

無倦軒 黃巖縣志在縣廳東宋蔡範題

雙檜軒 台州府志黃巖趙占龜家有軒面雙檜人呼

為雙檜隱士宣和中寇亂相戒無犯是軒

藍光軒 趨稼軒 輿地紀勝在仙居縣南峯有南塔

二軒下瞰大溪 葉翥藍光軒詩出郭纔咫尺便覺山

足巖客下看清溪流翠壁遠眺前嶺雙峰草肥軟飽飼眠吳牛沙頭水色靜飛上翻白鷗人語日亭午野渡橫孤舟坐久意逾爽吹袂風颼颼想當三伏天凜然如素秋乘興偶登覽不謂成勝游平生志所願一壑與一邱脚力到佳處須作信宿留南峯只在眼不必勞冥搜當時輞川圖景物有此不學貴守所見出處各異謀淵明亦高哉未肯屈督郵

至元軒 葉翥有至元軒詩見仙居縣志 翥宋紹興中為縣尉

梅軒 萬歷寧海縣志在尉廳嘉定十六年尉葉象翁

建 徐允狎梅軒詩香老虬枝古花開傍短扉昨宵微雪灑四檻玉鱗飛

不負軒 萬歷寧海縣志在治南塘頭宋趙孟禮建存

高宗勅贊

東嶼軒 嘉靖太平縣志在金山下宋王居安作

松桂軒

嘉靖太平縣志在洞黃元黃谷春所居又有

集怡樓陳鏗有記

參雲亭

赤城志在州治山上慶曆七年守元絳建前

有羅漢樹頗奇怪

元絳參雲亭記州治據大固山介天台栝蒼之間北直大海潮汝迦

江薄城而羣山阨束水不得肆慶歷五年夏海溢漂室廬明年余來守茲土拊視凋瘵乃循周官聚養萬民之法招徠安輯之因新城出帑金以購材募工旬歲而功既乃取廢材於二山之交作雙巖堂綠山椒作參雲亭天空地迥萬象在下射有長圃飲有曲水日為文酒之樂州人縱游鼓舞於庭除之下春秋之法興作始事必書予是以為之記

駐目亭

天台要覽慶歷七年元絳守台作駐目亭於

山上憑高眺遠極為曠朗

玉霄亭

赤城志在參雲亭左紹興十七年守台

取玉霄峯而名尤袤有記嘉定十六年守齊頌修後

軒

舒嘯亭

輿地紀勝在參雲亭後赤城志舊名匿峯淳

熙四年守尤袤建紹熙元年守江乙祖更今名

登碧亭

名勝志在靜鎮堂左舊名興移

解纜亭

赤城志在參雲亭東嘉定四年守黃熒建

瑞蓮亭

赤城志在節愛堂前池心舊名玉虹嘉定四

年守黃熒以平橋獲瑞蓮更今名

雲海亭

台州府志宋時通判廳上有雲海亭

萬壑風烟亭 方輿勝覽在倅廳後 赤城志在山上萬

山拱揖一江演迤井邑粲然在目最為奇勝慶元三

年通判趙彥衛建 陳觀重建萬壑風烟亭記官舍負大固山余舊聞有亭得登臨之勝

暨來承郡公退尋訪即斯亭故基故為一堂基關於新名承其舊

舞漪亭 赤城志在添差通判廳清閨堂後

飛躍亭 吳子良飛躍亭記臨海縣治北里許小坡蜿

蜒號環翠山旁瀕驛河紹興二年令黃君準始面山

鑿池又築亭負山而臨池名之曰飛躍

石橋亭 元豐九域志蓋竹山有石橋天台記云橋上

有小亭橋龍形龜背駕在壑上有兩澗合流於橋下

漉為瀑布 輿地紀勝在臨海縣

秀野亭 臨海記在縣東普濟院後其地多梅花 秀野

亭詩亭占青山口郊原四望平遙林連崦黑白水隔田明翠麥波濤動飛泉劍佩輕長年使野趣擬欲解

塵

樵夫亭 王士林樵夫亭詩注在東湖中

東湖亭 赤城志在臨海縣東湖上乾道五年建

浣月亭 馮甦東湖書院記臨海東湖正中為湖山寺

寺南為浣月亭其北為樵雲閣

流杯亭 輿地紀勝在東湖共樂堂之前 赤城志錢守

心水光山色為春夏行樂勝境

台州府志弘治中改名薰風

皇華亭 飛仙亭 赤城志郡城中津橋北即皇華真

人上昇處又有飛仙亭在其傍

隔塵亭 輿地紀勝臨海縣東掖山上有隔塵亭 石象之隔

塵亭詩山椒亭榭適徘徊一片煩襟覺頓開若有塵埃何處隔此中自是少塵埃

飛蓋亭 黃巖縣志在縣治宋嘉定中令陳夢建建

淨涼亭 黃巖縣志飛蓋亭北宋嘉定中令趙湜建

傳香亭 謝直黃巖縣尉廳記宅之西翼以憇者曰傳

香之亭

雲波亭 赤城新志在黃巖縣酒稅務側宋紹興中令

楊煒建

方山亭 台州府志黃巖縣永寧山俗號方山山下有

亭夾岸梅花綿亘十餘里不絕

擘翠亭 黃巖縣志黃巖縣靈巖有飛瀑垂崖而下宋

慶元四年令常濬孫亭其上曰擘翠 赤城新志樊川書院為聊菴先

生與南湖方山二杜公講學之地旁有擘翠亭亦先生所建

赤鶴亭 赤城新志在黃巖縣委羽山元劉德元建

二公亭 黃巖縣志在靈巖黃綰建以待王陽明湛甘

泉者

少谷亭 黃巖縣志在翠屏黃綰為鄭善夫來訪因建

此亭以待之

多錦亭 赤城志在天台縣圃嘉定中令邵繼元建

墨池亭 列秀亭 天台縣志在華頂峯王羲之墨池

上

浮盃亭 鄭至道天台劉阮洞記迎陽峯之下有石假

於山腹寺僧因石址結亭於上

阮郎亭 天台勝紀在天台羊惜嘗遊崖上舊有字世

傳劉阮所題惜醉亭畔七日方醒夢食青靈芝嗣後

日可行數百里

濺珠亭 赤城志天台桐柏山瀑布巖下有瀑布蔽巖

狀若垂蛻數百丈宋時有濺珠亭 天台縣志又

曇華亭 王士性遊天台山記石梁山壁對峙一巨石

如長虹橫架廣不盈咫前臨萬仞壑上游澗水二並

流墮石梁下上有曇華亭楹半外垂王龜齡碑刻存

焉

先照亭 赤城志在天台縣石橋菴應真閣傍

行真亭 天台山方外志在石梁下惠濟潭側 天台縣志

祈龍舊於曇華亭後以其憑高視下乃建亭於潭側而禱焉

許來亭 響空亭 瞻風亭 方廣亭 盧濬遊石橋

諸山記石橋下有諸亭悉歸草萊矣

雨華亭 天台山方外志在國清寺後巖

棲鳳亭 輿地紀勝天台縣北紫籜山與天台接舊名

竹山唐天寶中明皇夢竹山神來翼日有鳳翔之異

因名瑞峯上有棲鳳亭

流花亭 天台山方外志在桃源

金波亭 天台勝紀在墨湖上

善利亭 天台縣志在桐柏嶺上有石曰泉注其中清

甘可愛舊柱上有題云建炎四年拱衛大夫博州防

禦使前充高麗國信使韓衍記

凝香亭 送紫亭 列遠亭 萬歷仙居縣志並在縣

後圃俱宋淳熙中令唐仲溫建

真趣亭 仙居縣志在縣治宋嘉定中令董履道建

第一香亭 萬歷仙居縣志在丞廳後

盡美亭 名勝志仙居縣福應山得邑地之勝陳述古

名曰福應朱晦菴更名盡美宋紹熙中建亭於上

張景修為記

斗起亭 赤城志仙居縣萬安院後有萬竹源左昇崇

岡重巒複嶺如屏列可眺可詠舊有斗起亭宋建炎

中左丞薛昂居之

綠筠亭 台州府志在仙居縣韋羌山上

涵青亭 萬歷仙居縣志南峯山桃花洞最擅山水之

勝古有涵青亭

斷景亭 明一統志仙居縣景星山萬仞壁立宋令陳

襄建亭

東山亭 楊宥有題東山亭詩見仙居縣志

前山亭 楊筠有題前山亭詩見仙居縣志

鎮亭 赤城志在寧海縣西北八十里台明越三界間

岸幘亭 赤城志在寧海縣圍宋建炎元年令魏賁建

雲錦亭 萬歷寧海縣志在治西圃蓮池中

立波心小芙蓉綺綺似
裁千片錦散作一池雲

交翠亭 輿地紀勝在寧海簿廳宋政和五年主簿洪

皓建 洪通題交翠亭詩三十年中事鸞樓築小亭寒
聲長新籟清闕拂疎樨水轉前時綠山濃遠處

青重來勤問訊
此別記秋螢

瀛巖亭 輿地紀勝在寧海縣東崖巒險絕下蘸海中

上有小亭石壁刻瀛巖二字 崇禎寧海縣志二字為
宋令高述襲明書高述

登瀛巖詩懸崖塔影蘸寒川落木鐘聲渡
野船湖去潮來幾朝暮不移一片白鷗天

石浦亭 赤城志在寧海縣傍紫溪鐵場

適志亭 崇禎寧海縣志在治西宋慶元四年主簿胡

宗建

蟠松亭 寧海縣志在梁王寺前宋令方懋烈建

會總亭 嘉靖太平縣志縣西北王城山北有總山舊

名杜山有會總亭

壽台樓

王象祖壽台樓賦序倉使寶謨葉公再造台

之明年作樓於舊枯蒼之上扁以壽台欲此城與台
星長久為民之意無窮也宋紹定己卯落成

和豐樓

赤城志在天台館南宋慶元四年守葉籛建

多旨樓

赤城志在三酒務北宋慶元四年守葉籛建

神秀樓

陳耆卿神秀樓記台州九門各有樓神秀獨

南峙更雄麗焉丞相趙忠定自太史守台時建

半江樓

台州府志在臨海縣城外舊名映江樓

宴海樓

陳函輝跋傅郡公宴海樓記樓在郡南城敵

樓之上

丹鳳樓

台州府志臨海縣蓋竹山上有丹鳳樓為游

覽之勝

八景樓

舊址無攷

高似孫八景樓記山水之壯莫如海風物之神亦莫如海六鼇出沒

三山沐浴乾坤一碧萬頃天琛水怪鮫室珠宮何有
何無秘怪恍惚不可一景名也陳君堯章甘樓其濱
凡海情狀以智受之為其游息之物高明之具雖未
得拍斯闌固已翛然望蓬萊之雲氣懷乘桴之壯游

摘星樓

赤城志在黃巖縣治燕堂後宋嘉定四年令

楊圭重建

黃山樓

黃巖縣志在縣治北利涉橋南宋宣和間令

王然建

名勝志宋參政樓論書

謹按明一統志作令楊圭建考台州職官志王然以宣和四年令黃巖而楊圭以開禧中為令則此樓或是圭重修圭與樓鑰同時故為書榜而建樓之始當是王然一統志誤也

明德樓 赤城新志在天台張可敬建徐一夔明德樓記吾邑張可敬

氏一日手一卷見余於授經之堂發而視之則前內翰鄱陽周伯溫甫所篆明德樓三字周公以篆書名世而此三字端勁圓潤得斯木之妙已而問樓之面勢與名樓之義可敬進口吾居在邑中先大父為處州學官而歸爰作茲樓以務窮理盡性之學適周內翰過天台嘗登吾樓為書此三字揭之楹間以示正學之有在

棲雲樓 張存遊國清寺記樓最為幽勝

脊青樓 萬歷仙居縣志在縣署元至元中建

友菊樓 萬歷仙居縣志在縣南殊溪宋呂六松構

曹質有齊清樓詩見仙居縣志曹質字子安中今仙居

清風樓 萬歷寧海縣志在縣尉署舊名一覽宋紹熙

中尉馬迥建

翠微閣 赤城新志在郡城巾山上宋寶祐中守趙與

諲建戴復古巾子山翠微閣詩雙峯直上與天參僧共白雲樓一菴今古詩人吟不盡好山無數在

江

清平閣 輿地紀勝在州治節愛堂右山下賀允中以

守蕭洽清平面名黃閣清平閣記客遊乎郡治徜徉四顧有閣翬飛上冠新亭下臨清池可以觀政可以燕賓可以賞心而娛情郡侯黃公所築也既成而揭以清平取梁太守蕭洽為政之旨問其名則參政賀公之所命也其書則戶侍錢公之筆挹清風之徐來瞰平波之不與左顧右盼朋休儷

美豈直登玉霄上參雲為極目之榮觀而已哉公名章字仲微

凝香閣

赤城志在靜鎮堂左宋嘉定六年守俞建建

見山閣

輿地紀勝在州宅後

東山閣

赤城新志在郡治東

蓮風閣

赤城志在通判廳宅堂後側有流花渚漾花

池後有翠麓

分繡閣

方輿勝覽在添倅廳通判洪适建

洪适分繡閣記天台

郡踐山作郭而餘麓及屹立之峯廢不可廬者亦十
一二故官寺民區鮮鉅麗之所十數年中監州始有
以員外置者僑於城之翼隅距黃堂七百步而羸其
職業之商賦條案之謁請不足以爲便乃徙幕曹之
舍爲今所居與正員相東西焉然規恢下窄榮與埃
墨無復明軒虛榻尙伴散器之勝獨東偏有地斗大

培基建閣以夏四月課材閱月而斤斧論功其高四
尋衡袤二十有七尺南北不及者九之一羣山聳環
垂光獻狀可以分繡名風籜雲梢映燭左右日其堂
曰清閟閣之後舊有蔬畦更以嘉葩中穿小池可容
蒲荷登臨巨望則巖姿之四時烟霏雲采之隱見茂
木敷陰幽禽啾聲過耳娛目景與意會閒日觴朋命
案奕棋援琴放歌灑然不自覺其在塵壘中也

高閒閣

舊址無考

趙師回台州推官廳事記宋嘉定二年余爲推官重建廳事齋閣思

昔達尊嘗入此幕如正獻何公天性超融其詩有高共白雲閒志尙可想乃扁閣曰高閒

觀閣

赤城志在州東順感院後

趙企題觀閣詩一上危梯一解顏重岡複

嶺四周環山川盡出登臨外天地都歸俯仰間飛鳥直隨雙目斷游雲嘗與片心閒文書了却無餘事日午須來日落還

標霞閣

赤城志在天台縣治宋嘉泰初令丁大榮建

玉霄閣

名勝志天台山玉霄峯下有小閣臨官道傍

陸游名之曰玉霄閣

陸游玉霄閣詩竹輿衝雨到天台綠樹陰中小閣開榜作玉霄

君會否要知小吏按行來

翠微閣

萬厓仙居縣志在南峯北麓宋張樸構

梅臺

方輿勝覽在郡圃赤城奇觀前宋開禧元年守

錢文子建下臨巨壑有梅數十本

觀蒼臺

赤城志在通判廳後山上後改爲雲水亭

月臺

赤城志在通判廳宅堂右宋嘉定十四年通判

何洙築

圓風臺

輿地紀勝臨海縣北天門山西麓拔起千仞

上有圓風臺

王士宏登圓風臺詩碧落簫音隔彩霞

閩風臺見地仙家手攜青杖萬年竹簪插錦桃千歲花月上高松留白鶴雲封古洞

容光臺

黃巖縣志在縣署宋嘉定中令蔡範建

見山臺

謝直黃巖縣尉廳記四明楊璘尉黃巖宅西

有地平曠累臺以望山

吹簫臺

臨海記黃巖聖巖山有子晉巖相傳王子晉

吹簫其上

問松臺

赤城志在天台縣治宅堂後有大松如偃蓋

舊爲松風亭宋嘉泰三年令丁大榮築爲臺

瓊臺

王士性遊天台山記自桐柏行五里至瓊臺臺

在大壑之心石山空起狀如削瓜下俯百丈潭

丹邱臺 正德天台縣志東橫山方頂上

竹溪釣臺 天台志要在縣東南六里溪南下黃有徐

竹溪書院竹溪釣臺在其傍

望月臺 摘星臺 慶雲臺 萬歷仙居縣志並在景

星巖蓋邑之最勝處宋吳康肅嘗讀書其地

偃松臺 台州府志在仙居縣東嶺臺下舊有大松蔭

數畝為人所伐旁發一枝不數年而成圍

望海臺 嘉靖太平縣志在總山會總亭側

鄭公臺 台州府志太平縣靈湫山傍

許邁宅 台州府志臨海縣蓋竹山有石室晉許邁嘗

宅於此舊傳漢末有陳仲林等四人入此山得道余

王京洞許邁宅詩東臨滄海宴羣仙誤入桃源
小洞天一局殘碁消幾刻老龍鬚甲已蒼然

陶宏景宅 赤城志在臨海縣燈壇觀舊經云陶宏景

結廬於此

顛況宅 輿地紀勝在臨海況有臨海所居詩

鄭虔宅 輿地紀勝在州東戶曹巷以唐鄭虔為戶曹

日居此

葉裕宅 台州府志唐殿中侍御史葉裕舊居台城後

棄官隱寧海縣之東倉

閻邱氏宅 臨海記臨海閻邱山昔有逸民閻邱氏居此故以名山

綦宗禮宅 台州府志在臨海治東宋紹興中綦內翰宗禮以忤秦檜謫台居此

秦國長公主宅 台州府志在郡城東北隅宋仁宗第十女南渡時尚存高宗極尊禮之奉居台州子錢忱

孫端禮曾孫象祖開禧三年守李兼為建美德坊今石柱尚存

于履宅 台州府志後唐于履隱居不仕居黃巖葉茶寮山自號藥林

謝伋宅 台州府志伋上蔡人參政克家之子宋紹興初侍父寓居黃巖靈石後居三童號藥寮居士

徐中行宅 黃巖縣志在委羽山與其子庭筠皆宋高士今稱二徐宅

左理宅 黃巖縣志在邑東棹枝橋理兄弟皆中第故名叢桂坊

林龜宅 葉適二林墓誌二林黃巖之大儒龜字伯和龜字叔和今表其所居曰景賢坊

黃巖縣志在邑東景賢巷
池從周宅 黃巖縣志在縣治西街

彭龜年椿年宅 黃巖縣志在邑東南

古蹟八

王居安宅

黃巖縣志在縣東巖魁坊俗呼邾家巷

嘉靖

太平縣志居安字資道宅在方巖鄉大溪金山之南

車若水宅

黃巖縣志在謳韶

趙師雍宅

黃巖縣志在西橋

杜範宅

台州府志在靈巖

黃中德重修杜清獻公祠堂記丞相台之黃巖人宋

淳熙元年生於杜曲里後葬於黃杜嶺即其山為造五鳳樓

褚伯玉宅

徐靈府山居記在天台桐柏觀之小嶺

柳泌宅

晏公類要天台觀東有柳泌宅基

天台山方外志丹霞

小洞在天台縣西北唐柳泌授州刺史不之郡於此修藥今天台觀是其所居也赤城志天台縣福聖觀前對靈溪其東有柳泌使君宅號紫雲山居

司馬承禎宅

晏公類要桐柏觀白雲先生之居唐景

雲中為司馬子微置

徐靈府宅

天台山方外志縣西北方瀛山唐長慶中

徐靈府居此

鄭至道宅

正德天台縣志在關嶺宋令鄭至道去任

邑人攀戀不忍舍遂留家焉今其裔猶有存者

杜京產宅

正德天台縣志在招隱嶺

賀允中宅

天台志要在萬年寺西

潘子善宅

萬歷天台縣志縣西思賢橋因宋儒潘子

善故宅而名

劉位宅 正德天台縣志晉黎護將軍劉位宅在縣西

永坊後捨為闡法寺及寺徙位廟食其地

項斯宅 萬歷仙居縣志相傳在介山下三學寺

張阜宅 赤城志仙居縣張阜山逸民張阜居此

林達本宅 台州府志仙居縣東山宋林達本隱此

呂逢時宅 台州府志仙居縣白巖宋呂逢時隱此

蔣晉宅 仙居縣志柘溪有宋蔣晉宅

梅盛宅 台州府志晉梅盛令章安遂徙寧海縣之寧

和居焉有鳳集其庭今其宅為丹邱寺

葛元宅 赤城志寧海桐柏山有桐柏里葛元居此

友鹿翁宅 台州府志不傳姓名宋末隱居寧海縣者

山下方遜志為傳

舒岳祥宅 台州府志寧海雁蒼山宋舒岳祥隱此

葉夢鼎宅 台州府志寧海縣狀元峯宋葉夢鼎讀書

於此

方孝孺宅 台州府志寧海縣躍龍山方正學先生世

居山下後因建祠其家徙城內其故居義井尚存

志國初刑部尚書魏澤謫臨海典史時捕正學家不許容留一人公為出其孤謝文肅詩所謂孫枝一葉存澤有過孝孺故居詩筍與衝雨過侯城撫景令人感慨生之句

王喬宅 台州府志太平縣晉源山相傳晉王喬居此

下有晉湖

嘉靖太平縣志縣東屏山南有晉原明覺寺有小碑其文曰晉王游適處

蔡鎬宅

林昉先賢祠堂記鎬世居太平方巖鄉之白

山因建闢功後與朱子並祀

蔡鎬山居詩水從白塔流玉環門對葛洪丹井

山老去腰鎌更垂釣時與漁樵相往還

戴良齊宅

嘉靖太平縣志縣治南宅前街宋戴少監

良齊宅於此

于恕宅

台州府志太平縣桃溪宋于恕遺址在焉

虞似良宅

台州府志太平縣橫溪宋虞司馬似良寓

居其上號橫溪真逸

戴復古宅

石屏詩集小傳復古字式之黃巖人所居

在南塘石屏山其父敏字敏才號東臯有東臯集石

屏之從孫昺號東埜有東埜農歌戴氏之名於詩者

蓋三世矣

太平縣志戴敏世居石屏山俗名塘下子式之因以為號戴敏小園詩小園無事日

徘徊頻報家人送酒來惜樹不磨修月斧愛花須築避風牽引些集水添池滿移箇柴門傍竹開多謝有情雙白鷺暫時飛去又飛來

謹按戴敏有後浦園廬詩復古有姪孫子固東池隱居詩皆有次韻屏翁會芳小集詩此皆戴氏宅中之名也

盛象翁宅

嘉靖太平縣志元判官盛象翁宅在三阮

溪象翁生宋季從車玉峯游所居與聖水山近遂尊

之曰聖泉

也

功修新工通志

赤城奇觀 方輿勝覽在郡圃後山上赤城志舊名覽

輝宋慶元三年守劉坦之建開禧元年守葉箋更今

名

桃源 名勝志在郡圃守黃筥建循雙巖而上植桃百

餘傲劉阮故事也 黃筥郡圃種桃詩本自深村老圃來偶分符竹到天台漫山幸可容

桃李莫待劉郎去後栽

嵐關 赤城志在通判廳雲海亭之右

梅榭 赤城志在通判廳之右其側有梅峽銀簪石於

菟峩眉嶺

彝洲 臨海記秦始皇遣徐福將童男女入海止於彝

洲初學記臨海有彝洲山頂有越王射的

鷺鷥林 赤城志在臨海縣開福院傍 陳白遊鷺鷥林詩鷺行飛起綠

楊岸漁笛吹殘明月灘一片畫圖收不得何人終日倚欄干

息菴 方輿勝覽州東南巾子山巔

赤山隱居 徐一夔赤山隱居記同郡胡宗衡讀書赤

山之下榜其所居曰赤山隱居

仙源 雲笈七籤黃巖縣有東西二仙源東源在縣東

北五里地仙劉奉林主之西源在縣南嶠嶺九十里

地仙張兆期主之 台州府志按杜光庭福地記東仙源在台州樂安縣西仙源在台州

嶠嶺樂安為今仙居縣而舊志皆從七籤云在黃巖即黃巖志亦然未知孰是

壕頭 黃巖縣志在縣南五里世傳漢兵七十二陣設於此剗地得箭簇之屬

小樊川 平遇黃巖山水記在縣北六潭山朱文公嘗著書其麓名爲小樊川題曰溪山第一

遠菴 赤城新志在黃巖寧溪王氏建朱文公書扁思菴 赤城新志在黃巖方山施氏建杜清獻書扁

松山林壑 陳耆卿松山林壑記丁君少雲幽栖之所也東接海西接仙源

雪巢 尤袤雪巢記吳興林君景思寓居天台城西之蕭寺榜其燕坐之室曰雪巢

碧西山房 萬歷仙居縣志在南峯下之黃村宋陳仁玉所構有松聲山陰濠上等名

冲菴 萬歷仙居縣志在縣南七里之前山宋處士郭磊卿別墅理宗御書冲菴二字賜之

讀書徑 名勝志在寧海縣西圃面水唐令薛抗建舊名風漪戎昱寄詩以出宰山水縣讀書松竹林爲韻遂更今名

書林 崇禎寧海縣志在治廳東宋隆興二年令薛抗建

松竹林 崇禎寧海縣志在治圃東下瞰官河宋慶元

二年令李知微建

丹邱 明一統志在寧海縣南晉孫綽天台賦仍羽人

於丹邱是也

浮門 輿地紀勝在寧海縣南土多陳姓蓋陳霸先之

後居於此

家菴 赤城新志在寧海縣西宋隱士王度建于有成

記

寓菴 崇禎寧海縣志在閩風里宋葉子山所築

梅花吟社 台州府志太平縣有梅花洞昔逸士林原

縉翁子實邱海何及邱鐔王禮何起直狄常程完九

人嘗為吟社號花山九老 陳彬題梅花吟詩梅花洞口夾深溪九老當年任

品題今日青山不容隱五橋車馬聽驕嘶按太平縣志林原縉作林元振

車路 台州府志太平縣南浦宋高宗南渡時於此上

車因名車路

銅柱 臨海南三十里有銅柱乃漢疆場之表

銅塔 輿地紀勝臨海縣赤山絕頂有古塔塔之下有

石函盛小銅塔塔內有銀壺盛舍利相傳梁王譽所

施 台州府志塔高六寸重三十五兩內有十七字文曰吳越國王錢俶造八萬四千寶塔乙卯歲記錢

氏子孫與鐵券俱世守之

錢王鐵券 台州府志長一尺八寸三分濶一尺一寸

厚一分五釐重一百三十二兩其文嵌金共三百三

十三字其畫皆內狹中寬

吳越備史券文維乾寧四年歲次丁巳八月甲辰朔

四日丁未皇帝若曰咨爾鎮海鎮東等軍節度浙江

東西等道觀察處置營田招討等使開府儀同三司

檢校太尉兼中書令使持節閩越等州諸軍事兼閩

越等州刺史上柱國彭城郡王食邑五千戶食實封

百戶錢鏐朕聞銘鄧鴻之勲言垂漢典載孔悝之

德事美魯經則知褒德策勲古今一致頃者董昌僭

偽為昏鏡水狂謀惡貫汚染齊人而爾披攘克渠盜

定江表忠以衛社稷惠以福生靈其機也氛侵清其

化也疲羸泰拯甌越於塗炭之上師無私焉保餘杭

於金湯之固政有經矣志獎王室績冠侯藩溢於旂

常流在丹素雖鍾繇刊五熟之釜竇憲勒燕然之山

未足顯功厥有異數是用錫其金柝申以誓辭長河

有似帶之期泰華有如拳之日惟我念功之旨永將

延祚子孫使卿長襲寵榮克保富貴卿怨九死子孫

三死或犯常刑有司不得加責承我信誓往惟欽哉

宜付史館頒示天下輟耕錄吾鄉錢叔琛氏贊乃武

肅王之諸孫也嘗出示所藏鐵券形宛如瓦一角有

斧痕蓋至元丙子天兵南下時其家人竊負以逃而

死於難券亦莫知所在越再丙子漁者偶網得之乃

在黃巖州南地名澤庫深水內漁意寶物試斧擊之

則鐵焉因棄諸幽一村學究與漁隣頗聞賜券之說

錢王題梁

赤城續志在城兜率寺有廣順年間吳越

王題梁

宋高宗御座

輿地紀勝臨海縣金鰲山善濟院高宗

航海至此有御座尙存

石碁盤

臨海記臨海縣王峴山本名黃石山相傳黃

石公居此有石碁盤尙存

仙人床 台州府志在巾子山有石床并枕可臥

桃都山桃木 輿地紀勝台州桃都山有大桃木上有

天鷄日初出照桃木天鷄即鳴天下之鷄聞之而鳴

天慶觀畫壁 赤城志州前天慶觀殿壁有范子珉繪

半及來禽人傳其妙

鐵盤 黃巖縣志明成化間居民於海濱獲一大鐵盤

形如車輪重數千觔腹中鑄二十八宿及十二生肖

或曰朱文公治水利時鑄此以鎮水怪

天然石 台州府志在黃巖縣河埠朱文公大書天然

二字今徙置冠山

石馬跡 赤城志仙居縣項羽山相傳項羽少時駉馬

於此有石馬跡尚存

梁王山古松 赤城志寧海縣梁王山梁王寺側有主

簿洪皓祠前有古松盤偃結曲若虬龍然相傳歷數

百年陰蓋數畝雖畫工不能竟其狀宋紹熙四年令

方懋列亭其側

響石 崇禎寧海縣志在朱魯五里許以石扣之清亮

作磬聲相傳自唐以來有此移之他處則無聲仍還

故處則復響

淵明繪像 名勝志寧海縣北五龍山宋陶昭建書室

於山趾繪淵明小像於壁

朱文公遺墨

嘉靖太平縣志

文公為常平使者經營

六閘夜宿洪亭長家有題壁二詩其一曰纔到重陽

氣便高雁聲天地總寥寥客懷今夜不能寐風細月

明江自潮其一題洪氏菊曰解印歸來歎寂寥黃花

難覓舊根苗祇因三徑荒涼後移向洪家不姓陶至

明洪宣間遺墨尚在

新修浙江通志卷四十六

古蹟九

金華府

州舊子城

萬歷金華府志

在大司前譙樓至星君樓

一帶及大司後披仙臺一帶是也舊經云周四里洪

志云徑一里二百九十步五尺舊有四門南保寧軍

門西桐樹門北金華門東熙春門城今廢惟遺保寧

桐樹二門保寧即今大司前譙樓桐樹今建星君樓

於其上

金華雜識婺州子城桐樹門舊有桐十餘高與城樓齊則出狀元陳亮劉涓皆應其識

吳寧縣城

萬歷金華府志在東陽縣東二十七里地

名城裏周一里遺址今存東陽縣志水門村去舊城遺址二百步臨溪有石岸

是其遺跡

東陽縣舊子城 東陽縣志在縣城中唐令沈彝憲築

按舊圖南至碁盤頭葛宅園對巷北至龍泉坊即今

前徐巷一帶東至十字街西為曹宅菴即所傳八都

廢城遺址

網州城 萬歷金華府志在義烏縣北百八十步今為

滿心寺 萬歷義烏縣志網州城址漫不可考相傳土中得斷碣有網州字而不知城之盤亘止於

何所今縣治正在舊網州南一百八十步城郭未必非其故也

華川縣城 方輿紀要義烏縣西南有繡川城即華川

也 萬歷義烏縣志華川舊縣城在今縣西南三十里周三百步遺址莫詳

義烏縣舊城 萬歷義烏縣志舊志稱舊城北依山麓

西帶繡湖然不紀興築為何代

謹按義烏志有西帶繡湖之文疑即繡川城然里數步數不同因並存之

縉雲縣舊城 萬歷義烏縣志在永康縣北

古婺州城 方輿紀要在今城東四十里一云去府西

南四十里在今湯溪縣境內唐開元中始徙今治考

湯溪縣西三里有古城山 萬歷金華府志古城在府城西南四十里廣袤五六

里相傳古州城遺址今屬湯溪縣界而湯溪縣新志又云古城脚在縣西五里湯塘山上闊二丈高五尺

意古之治所也

漢西部都尉治 元和郡縣志 婺州本會稽西部嘗置

都尉 晏公類要 郡在金華山之陽即會稽西部嘗置都尉理於此

吳東陽郡治 水經注 澱水東逕長山縣南與永康水

合縣西東陽郡治也 晏公類要 吳寶鼎元年置東陽郡在金華山之陽澱水之東因

名東陽

晉武陽軍節度治 元豐九域志 婺州五代晉武陽軍

節度宋淳化元年改為保寧軍治金華縣 方輿勝覽 石晉時為

武勝軍

宋轉運司治 萬歷金華縣志 在縣治東三里瑞安坊

宋轉運官行部公寓

宋婺州治 名勝志 在子城正北署曰浙東第一臺

宋通判廳 名勝志 在州衙西宋紹興十三年知州周

綱建今為守禦千戶所

宋添差通判廳 萬歷金華府志 即今府治宋紹興十

三年知州周綱建

宋司理院 萬歷金華府志 在州西今司獄司是也

宋貢院 東陽續志 在府治西今為永濟倉

元浙東宣尉司治 萬歷金華府志 在子城內即宋州

治在府治東北今為察院行臺

元錄事司 萬歷金華縣志 在縣東二里譙樓北元至

元十四年建割大雲鄉隸之

隋長山縣治 方輿紀要長山廢縣在府東唐武德八年省入金華

年省入金華

唐金華縣舊治 名勝志在婺州東四十里

宋金華縣尉司 萬歷金華縣志在縣東北四里二百

步旌孝門外原與麗澤書院山長廨舍對後徙東關

馬舖嶺去縣五里

吳西部三河戍 名勝志孫吳置三河戍於金華之西

部唐咸亨五年即其地置蘭谿縣 蘭谿縣志新唐書云睦州有三河戍

今蘭谿西北四十里建德界有地名三河而不聞其昔有戍兵東陽志但云建德蘭谿皆舊戍之地姑存

之以俟攷

元蒙古學 正德蘭谿縣志在譙樓南縣丞宅

唐烏舞巖寨 東陽志東陽縣南七里唐馬將軍陳都

使置寨於此

唐綢州治 方輿紀要在義烏縣北以綢巖名今縣北

黃蘗山下有綢巖或云州蓋置於巖下

唐華川縣治 王禕義烏縣治記唐武德四年置華川

縣其故址在縣南三十里

唐麗州治 萬歷永康縣志唐武德四年即縣地置麗

州而徙縣治於城之北

隋婺州戍 萬歷金華府志浦江縣為烏傷之北鄙隋

開皇九年為婺州戍

吳豐安縣治 方輿紀要在浦江縣西南孫氏分諸暨

立豐安縣

宋浦江縣尉司 萬歷金華府志在縣東百步按察分

司即其故址

吳太末縣治 成化湯溪縣志在九峯山下其城闔街

址歷歷尚可識焉

藏春園 正德蘭谿縣志在香溪市南宋通判范滂所

治中有樓外有池今已廢 范浚過藏春園詩春入名園何處尋東風引上

巖平疑四面雲嵐合曲轉一邱花木深碧草華滋迷絕徑綠蘿陰影獲茆林韶光向北知歸處長與先生供醉吟

靈洞園 萬歷蘭谿縣志在棲真寺前趙志臯讀書園

有自記

喬氏園 東陽續志在東陽縣孔山之上宋喬行簡別

業左有孔山堂右有雙峴樓臨溪有水館釣臺皆理

宗御書今沿河水礮尚存 盧士儁喬宅園遺礮詩魯

列池臺幾灣凍老水花岸曾說當年上巳杯

南湖園 石洞遺芳集東陽郭欽止創石洞書院其居

在南湖之北由西園至南園有塘有池百畝號曰南

湖有依綠堂明善堂三友堂怡偲堂東澗吟所王棟

湖記依綠堂見記中湯致有西園明善堂記戴岷隱

有三友堂記孫德之有怡偲堂記又為東澗吟所記

並見石洞遺芳陸游郭氏山林十六咏清曠亭勝遊

謝車馬從此始青鞵俗士洗褊心達人增曠懷桂壑

小山有桂枝名自騷人傳我欲辯其族衰病空慨然

月峽我昔游三峽仰天如疋練安得中天月正用此

時見小爛柯山中一枰碁塵世底事無若復計勝負

與彼亦何殊傾月種梧待鳳雛此計乃可笑不如看

月墮與子舒清嘯高碧巖我誦明逸詩豹林不可到

斯山幸不遠何日欵紗帽闕雲關白雲如高人擇友

當傲世朱門客三千一點不可致壺天閣吾廬在目

中曰可理輕策乃知壺中天端勝縮地脈石井酌泉

嚙冰玉肝腑生慄凜老夫桑苧家頗欲續水晶玉泉

擿玉毀珠璣蒙莊有深旨向郭不能傳千載付吾子

飛雪我昔遊青城六月對雪山吳蜀渺萬里安得在

此間玉佩羣仙停鶴馭玉佩搖空山金丹定分子往

緜通明班韞玉巖蒼巖韞白璧欲上渺無路但傳太

史古虹氣貫寶發至鳴亭茲山多異境飛仙亦稅駕

勿遣俗客來恐妨笙鶴下倚劍懸瀑若劍立空潭如

鏡平未能照魑魅且用斬長鯨藥圃采芝夏黃公賣

藥韓伯休吾友子郭子高趣可與謀攷

隱趣園 陳樵有題胡伯玉隱趣園詩見東陽縣志

經鉏園 倪尚忠浦江西湖塘記余於湖之西偏規為

園曰經鉏門曰湖西小隱

邵氏園 成化湯溪縣志邵困故園在縣北十五里地

名邵園墻址屋基宛然敗甃有今是堂字跡

水館 韋莊有婺州水館重陽日詩

雙溪館 萬歷金華府志在府治東宋紹興間闢為三

館雙溪居中東曰赤松西曰清和

竹馬館 明一統志在金華蘭谿兩界之間

青霞館 正德蘭谿縣志縣北解石山一名小桃源有

青霞館丹井丹竈之勝

披雲館 萬歷金華府志在蘭谿縣西宋紹興中建

陳氏義莊 東陽續志在東陽縣南宋開禧間陳德高

建陸游為記

衆樂堂 萬歷金華府志在州衙後宋政和間知州呂

淙建

移忠堂 萬歷金華府志在府治宋紹興間知州錢端

禮建 明一統志舊名耐寒軒

魚水堂 名勝志在郡圃堂下有池池中有臺跨梁其

上小艇容與其間宋紹興間知州周綱重建更名與

春堂

澄清堂 一公堂 章懋重建澄清堂記元大德中嘗

即故郡治建肅政廉訪司今為巡按分巡出政之所

其聽政之堂曰澄清作於至治癸亥燕處之堂曰一

公作於元統乙亥外門扁曰浙東第一臺仍宋府治

名也

愛人堂 萬歷金華縣志在縣治後圃宋紹興十二年

令余翔建

熙熙堂 萬歷金華縣志在治後圃宋紹興中令朱冠

卿改名四知堂十八年令鄭銳夫改名清燕堂

五柳堂 王十朋有婺女廣文官舍五柳堂詩

山橋書堂 東陽山水記金華山芙蓉峯宋王埜歸隱

其地理宗賜扁曰山橋書堂 王埜始得山橋隱居記

若屏障所謂長山者是也山之可游者左赤松右智
者三洞居其西北洞之勝聞於天下山之水緣澗而
出者赤松智者二源然皆無懸絕奇偉之觀惟徐公
湖居北山之峯絕頂水分兩派而下其瀉乎山之陽
者由山橋而達於溪其注乎山之陰者由鹿田而入
冰壺洞杳然險怪水懸穴中穿雙龍洞而出臨者股
立山橋一澗奔崖轉壑如紳如練乍分乍合者凡數
處蓋其地之勝不特水也自潛岳寺緣澗登山可十

里而巖峭峙於千仞之表皴巖怪石層見突出如
如屏如削如闢而懸瀑當其中橫槎渡澗澗石梯山
回首南望則山川城郭極目千里為吾鄉登覽之冠
嘉泰間郡守曹公棗嘗亭其上歲久而圯子自建安
歸過而樂之欲謀隙地為書堂因尋二仙遺跡將遊
鹿田過山橋望兩巖間有竹一坡竹外有石一拳意
其中必有佳處涉澗而觀之澗多亂石水虵行斗折
或泓或激夾岸林樾幽蔭森爽其東即竹坡也竹中
巨石林立錯若置棋其極大者有二一卧坡上如垂
鵬翼一跨竹外如負鰲背二石夾乎兩崖之間仰視
巖巔崖壁蒼峭草木蒼蔚誇奇競秀殆不可狀竹外
則瀑泉瀉其右支流會其左呼礫噴薄細若操琴壯
若奔雷水激風生凜乎不可久立坡上者俯瞰羣山
之頂下視飛鳥之背天日清明直南數百里之山若
開畫圖雙溪蜿蜒城郭環繞樓觀隱見於杳靄之中
塔寺參差於蒼茫之外紫青繚白上與天際如凌倒
景俯塵寰也此二石之勝雖三洞不能兼其美赤松
智者風斯下矣山舊為胡氏業以子愛之遂舉以質
明年春始往度其地將結廬築亭為遊息之所大抵
遊之曠而敞者無窈窕之趣奧而邃者乏軒豁之觀

兼而有之惟茲山為然
顧不為吾州之甲歟

夢仙堂 在金華見王栢長嘯山遊記

季原書堂 萬曆金華縣志在縣南望恩山王魯齋栢

與倪公度兄弟講學於此今洗研池萬卷閣遺跡猶

存

見山堂 萬曆金華府志在蘭谿縣治東今際留倉

春華堂 蘭谿縣志在桃花塢潘慈明之居

綵衣堂 金華先民傳在蘭谿亭竿山之陽鄉人范宏

作堂以悅其親仁山先生為書扁

白收堂 金華府志在蘭谿縣紫雲鄉大廟前

春暉堂 蘭谿縣志在城中唐龍建董玘為記

世賓堂 蘭谿縣志在天福山徐宗衡宅

慈教堂 蘭谿縣志在十字街趙琪兄弟事母孝因名

老老堂 許謙有老老堂頌見東陽縣志

三槐堂 金華府志在義烏縣治內元建

信美堂 萬曆義烏縣志在舊簿廳宋宣和六年簿徐

瑛建

憇堂 萬曆永康縣志在縣西大觀初令徐嘉言建

道愛堂 萬曆永康縣志在縣治宋紹興十九年令宋

授建尹穡為記

退思堂

萬歷金華府志在武義縣治後國宋紹興中

令衛相建

公惠堂

萬歷金華府志在浦江縣治宋咸淳六年知

縣王安中建

清心堂

清華堂

萬曆金華府志在浦江縣治內宋

建治內又有清華堂

月泉書堂

嘉靖浦江縣志在浦江縣西北宋咸淳間

知縣王霖龍建

金華雜識元浦江吳渭字清翁創月泉吟社延謝翱方鳳吳思齊評其高

下共收二千七百三十五卷遊二百八十卷刻詩六十名以羅公福為第一其所命題則春日田園雜興

也月泉吟社集吳渭誓詩壇文曰鄉邦之勝友雲從湖海之英游雷動古囊交集鉅作橫陳能離萬夫定

羞與終澤為伍如降一等乃待以季孟之間欲幸燥濕之俱齊固甚難以曲直輕重而見欺亦不可念

偉事或偶成於戲劇彼讒言特借譽而揄揚我詩如解曹何幸縱觀於諸老此聲漫梁楚誓將不負於齊

盟一點無他三辰在上

裕齋

東陽志在太師里理宗賜馬光祖御書

魯齋

何基魯齋箴序金華王子會之居名其齋曰魯

既為記以自警復俾作箴揭之

訥齋

正德蘭谿縣志香溪范伯通之居范浚記

樂顏齋

萬歷蘭谿縣志張景留龍舒人僑居蘭谿築

樂顏齋黃潛為記

愚齋

蘭谿縣志范茂清築其兒浚為銘

綠竹軒 金華府志在府署內今名澹寧堂

月鏡軒 金華府志在府署內澹寧堂側

水壺軒 蘇伯衡水壺軒記魏郡鍾侯守金華創

清風軒 蘇伯衡清風軒記府經歷廳事之後

第一軒 王栢長嘯山游記金華鹿田寺後有斷崖大

石離立於竹樹間故相葉養空榜曰第一軒

浸碧軒 王栢長嘯山游記法清寺精廬倚翠曲池涵

泚有養空所書浸碧軒

高明軒 萬歷蘭谿縣志香溪范栗之居吳禮部師道

名之吳學士沉為銘

臨池軒 萬歷金華府志在蘭谿縣學士陳達之居

臨池軒詩集賢學士相門孫八法通神似右軍奉詔
曾題金殿榜承恩更號玉如君山中鐵限穿成穴池

上墨花凝作雲一代幾人
稱絕品家鷄野鶩浪紛紛

蝸殼軒 蘭谿縣志趙良恭所居吳沉有記

如意軒 喬行簡如意軒詩注在東陽法興寺

絕唱軒 東陽續志在東陽縣陳樵投筆之所

雙柏軒 釣軒 義烏縣志並在繡湖旁

菊軒 萬歷永康縣志在岡谷韓循仁築宋濂銘

芙蓉亭 萬歷金華府志在州衙後宋元豐二年春甘

露降於亭知州鍾離景伯易名甘露亭

野聲亭

萬歷金華府志在州衙後宋大觀四年知州

詹適重建改名自公堂

雙溪亭

趙抃有題婺州郡圃雙溪亭詩

極目亭

名勝志在子城上舊雙溪閣址萬曆金華府

志宋紹興間知州曹璉建

韓元吉極目亭記婺之牙城東西隅有亭纔數椽守

周彥廣嘗取米元章所書極目亭三大字榜其上然棟宇狹甚予再為婺之明年乃闢而新焉婺城臨觀之勝有三中為雙溪樓西為八咏樓東則此亭二樓不可頻至惟極目亭在後圃之隙不必命駕得與賓客共之溪光山色奇花美卉無日而非我有也陸游極目亭詩尚書曳履上星辰少為東陽作主人朱閣凌空雲縹緲青山繞郭玉嶙峋

采謠亭

萬歷金華縣志在子城前宋知州呂滂建

廓然亭

涵碧亭

萬歷金華縣志並在極目亭北宋

知州周綱建

一覽亭

萬歷金華府志在金華縣學後宣德三年郡

守錢潤建

杜桓一覽亭記郡城西南隅有老氏之宮曰光孝觀觀之後有小坡隆然而起北山

玉壺金盆芙蓉諸峯望之蔚然深秀東南之層巒登嶂如萬馬奔馳或駐或躍獻秀爭奇人莫能窮其狀西見蘭江諸山遠在天際雙溪二水蜿蜒如白龍西飛至城下合流而去至於原野岡陸星羅棋布於烟雲杳靄之間與夫山城雉堞之睥睨寺觀樓閣之參差一舉目而盡得之誠奇觀之地也觀今改為金華縣嘉靖間守朱麟以太祖嘗登覽於此重建名聖覽亭

通波亭

金華縣志在通濟橋紹興中令朱冠卿建

最高亭

名勝志在府治北宋葉蘅園內

陸游最高亭詩高亭新築

冠鰲峯眼力超然信不窮膚寸油雲澤天下大千沙界納胸中春游到處羣花擁夜飲歡然百榼空劉白老來忘世味只將詩酒伴裴公

可友亭

東陽志鄭剛中居坦溪上未仕時建可友亭

自為記後責復加增葺又自為記

潘義榮可友亭詩君不見子猷嗜酒

與俗殊愛竹不可一日無又不見太白清狂世絕倫舉杯邀月獨相親風流二子去已遠塵埃那復聞高人鄭侯未遇身更閒躬耕自得園圍間開軒容膝日寄傲坐對巖巖萃律之西山西山蒼翠如堆玉松奏竿簧雲作屋澄鮮爽氣日月佳不學世情易翻覆田文唾面真小兒翟公署門良可悲悠悠權利亦何極樂哉此友誰能知鄭侯與我論心久年少相從今白首對山勿著絕交書要須著我成三友

望西亭

東陽山水記金華縣北鹿田寺後最高處

翫雲亭

東陽山水記在州北密印院後山巔

池亭

金華雜識在金華山智者寺有碑刻陸放翁所

撰池亭記

御風亭

冷然亭

並見呂祖謙遊金華赤松記

玉乳亭

枕流亭

雷音亭

在赤松山並見王柏長

嘯山游記

椒亭

名勝志金華縣三洞下洞之右有椒亭亭上望

洞古若鐵甕

極高明亭

萬歷金華縣志在麗澤書院後元建

清隱亭

悅心亭

陳樵有金華清隱亭悅心亭詩

蘭皋亭

正德蘭谿縣志在縣治卽宋之蘭陰閣

東峯亭

名勝志蘭谿城東有亭跨東山之勝曰東峯

亭萬歷金華府志舊名新亭唐洪令所建洪令失名
字少卿貞元十七年爲令後更名東峯今其地爲景

賢祠

馮宿東峯亭記東陽實會稽西部之郡蘭谿實
東陽西鄙之邑歲在戊寅天官署洪君少卿爲

宰未期月而政成後三年夏六月余過其邑洪君導
余以邑之勝賞於是東峯亭之遊背城之闔半里
而近初屆佛刹刹之上方而亭在焉松門蓋空石道
如帶足倦累息然後造夫極焉向之池隍館宇之多
旗亭闌闐之喧途道往來之衆簿書鞅掌之繁顧步
之際忽焉如失但山風颯颯雲峩峩飛軒憑空澗
壑在下向背殊狀昏明易色指遙青而抹黛者矧之
則曰某山某巖某林壑指遠白而曳練者問之則曰
某洲某渚某湫某塘高深互陳心目相競飄若象外
意共幻成先是邑徵登攀遊觀之所洪君孳俸錢二

萬歷期營斯因地於山因材於林因工於子來
於農隙一何易也崇山峻谷佳境勝槩綿亘伏匿一
朝發明又何能也君在建中興元之間爲江南西道
節度曹王所知時方軍興供億倉卒賦平人和王實
賴之故御史大夫鄭滑節度盧公羣與君嘗同餘每
號之曰精金百鍊良驥千里誠然矣然則是邑之理
茲亭之勝於君之分不爲難能夫播芳塵而鼓餘波
者非文莫可遂攬筆爲記刊於石而附諸地志焉貞
元十七年記

秀野亭

萬歷金華府志在蘭谿縣香溪東山之側宋

通判范濬建

范濬秀野亭詩山作屏風雲作籬峇巖
亭子俯漣漪絕知此地風光好直謂主

人心跡奇側塞亂花紅被徑檀樂高竹翠
緣陂惠連自喜陪幽賞判却歸時倒接籬

激湍亭

吳師道遊小三洞記下洞爲廣福院有飛亭

跨水上扁曰激湍淳熙中南城曾槃立

半山亭

正德蘭谿縣志縣東洞巖山之腰舊有半山亭

亭今石磴具存

范端臣半山亭詩窈窕轉巖腹劃然見孤亭橫分樹蠹蠹下枕溪泠泠日

暮人跡絕猶聞樵斧聲

山意亭

東陽山水記在蘭谿縣南桃花塢東高峯上

俗呼千人樓元知州辛忍仁建

吳師道有記

溪山一覽亭

正德蘭谿縣志在縣北勝山坦溪山人

鄭誠夫作遺址尚存

池亭

萬歷金華府志在蘭谿縣瑞山鄉徐秉國建以

延金仁山先生今池尚存

于石書池亭詩曲曲闌干面面欄紅塵飛不到斯亭

避人幽鳥入深竹憑釣遊魚弄翠萍天濶倒涵秋水碧階低不礙遠山青脩然獨占閒中趣一枕荷風午

睡醒

佳山水亭

東陽山水記在蘭谿城南塔下

吳師道題城塔小亭

詩百年老屋半蒼苔一日佳奇舊觀回浮世何曾改川岳高懷聊復寄亭臺夜深漁艇簷間宿日落幽窗

竹裏開此去京華踏塵土時時應有夢飛來

寒碧亭

晏公類要在東陽縣南五里峴山下唐寶曆

二年縣令于興宗建有唐劉禹錫詩並序

東陽志于興宗於亭

下穿方池刻石作雙魚引水貫其中以為流觴之勝方與勝覽寒碧亭上有鮑令巖宋元豐五年令鮑拯

修禊於此石上有鮑令巖三字元祐中重建改名清虛堂方于寒碧亭詩高低竹雜松積翠復留風路極

陰溪裏寒生暑氣中間雲低覆草泚水靜涵空方見洋源牧心伴造化功

水樂亭

名勝志東陽縣峴山二峯對峙西峴飛瀑數

丈下注於澗淙淙如激玉宋熙寧中王槩作亭澗上

名水樂亭

蘇軾寄題東陽水樂亭詩君不學白公引涇東注渭五斗黃泥一鍾水又不學哥舒

橫行西海頭歸來羯鼓打梁州但向空山石壁下愛此有聲無調之清流流泉無絃石無竅強名水樂人笑慣見山僧已厭聽多情海月空留照洞庭不復來軒轅至命魚龍舞鈞天聞道磬囊東入海遺聲散在海山間豁然澗谷含宮徵節奏未成動君喜不須寫入薰風絃縱有此聲無此耳蘇轍和水樂亭詩君不見武安堂上立曲旃官高利厚多憂患又不見夏侯好妓貧無力簾箔為衣人莫識兩人操行雖不同辛苦經營實如一不如君家激水石中流聽之有聲百無憂笙竽窈渺度溪谷琴筑悽咽穿林邱高人處世多澹泊泉聲過耳皆為樂退食委蛇石上眠幽音斷續牀前作正如古人樂易多歡娛積土為鼓蕢為桴但能復作太古意君今水樂真存餘

謹按蘇軾詩本寄題東陽水樂亭而咸淳臨安志力辨其當屬錢塘之水樂洞且云賈似道嘗得此詩真

蹟題云右賦東陽水樂洞蓋此地隸東陽村云今考錢塘縣無東陽村名且王十朋輯注蘇詩題下載蘇

自注云為東陽令都官王槩作觀起可君不學云云明指王都官其屬東陽無疑

白雲亭 萬歷金華府志在東陽縣八華山許白雲講

學之所

初翰白雲亭記距婺之東百有五十里其邑為東陽未至邑四十里其鄉為懷德其山有

曰八華山故文懿許先生講學之所也山之麓許氏居之其兄弟曰和伯曰晉仲伯溫伯恭自以其生也晚不及登先生之門幸嘗私淑諸人與有聞焉顧瞻遺躅日接吾前又幸而未泯也則先生之流風餘韻被及乎山川草木者豈直吾鄉之榮哉誠有槩於心矣乃度地於山之冢構亭曰白雲而屬余以記其成乃為之記許元八華山白雲亭詩千尺嶙峋舊有亭白雲收盡八峯青我來重上松風閣急雨秋濤白日聽

峯回亭 東陽續志在東陽縣南桃巖之後俗稱山背

亭東陽縣志元時永嘉高則誠從烏傷黃文獻游不問其讀書既辭歸黃偶登其所居樓見壁間書乃琵琶記草文詞淹博意義精工讀而奇之追餞此亭三杯而別因傳為三杯亭

白鷺亭 馬之純有白鷺亭詩見東陽縣志

臨清亭 通幽亭 可欵亭 萬歷義烏縣志並在縣

治廳事後元皇慶中建

晚照亭 萬歷義烏縣志在丞廳宋紹興中沈直方建

清曠亭 萬歷義烏縣志在舊繡川驛宋紹興十五年

令董燿建乾道四年改名德星堂

挹繡亭 義烏縣志在舊繡川驛宋乾道中令張徂建

溪上亭 東陽山水記酥溪唐戴叔倫留詩處後人構

溪上亭

崇禎義烏縣志唐貞元中戴叔倫令吳寧過酥溪有詩云酥溪亭上草漫漫誰倚東風十二闌燕子不歸春事晚一汀風雨杏花寒元至正十七年胡璉築亭溪濱以存勝蹟

會景亭 清曠亭 擷芳亭 綠雲亭 叢玉亭 素

香亭 繡光亭 清勝亭 萬曆義烏縣志並在繡湖

傍

鳳林亭 王禕鳳林亭記鳳林亭吾王氏之所作也鳳

林鄉名在義烏之南鄙

飛虹亭 萬曆永康縣志方巖頂兩石對豎俗呼峯門

下有飛虹亭

松石亭 金華府志在永康縣延真觀宋嘉泰中立

翫珠亭 萬曆金華府志在武義縣明招寺前阮孚游

處 阮將軍誠不負此屐迺遁失元珠驪領求不得何年走其中千載未有獲禪家獨眼龍來此駐錫錫羣龍竟趨之獨眼如未識任其自紛拏笑伊虛用力南渡東萊翁實在肇幽宅褒武錫元勳自天開兆域歲時來上塚車馬隘阡陌念昔事先生同門至千百且且對此山相視真莫逆自閱大火災屐徑愈寥寂斯亭築山巔如人岸巾幘自徑以登亭俄然判儒釋挾朋吟松風橫琴坐苔石亭居衆木間占地厓二席玲瓏八窗通未覺棟宇窄被褐士所懷嗟自比秦璧照乘與藏淵其勿昧所適庶幾慰九泉夜光生麗澤若支亭子壞則付斧斤克容去我無言未開四山碧

蠟屐亭 武義縣志在明招山前晉阮孚好屐後人以
其遊處因以名亭

金貂亭 呂喬年金貂亭記晉鎮南將軍阮孚之墓亭

也嘗以金貂換酒後歸明招山下終焉山有蠟屐亭右名金貂識公故事也

換酒亭 葉適有寄呂巽伯換酒亭詩見武義縣志

壺山亭 萬曆武義縣志縣西壺山上有亭令張國裳

為柱聯曰錦繡萬花谷乾坤一草亭

水簾亭 萬曆武義縣志縣南金柱山上有懸瀑鞏栗

齋築亭與朱晦菴呂東萊講學於此

綠映亭 萬曆武義縣志在縣東宋尚書劉滂建呂祖謙題

劉氏綠映亭二首涼葉飜飜不受塵芒屨藤杖及清晨開窗水放前溪入澄綠光中獨岸巾鷺浴魚跳在鏡屏搖青浮碧太鮮明墻東種荷陰成幄隔葉看來却有情

月泉亭

嘉靖浦江縣志在縣西月泉上其泉與月為

盈虛宋政和三年令孫潮訪舊址疏為曲池築亭以

備遊觀

後為月泉書堂

元暢樓

太平寰宇記金華縣城南臨溪高阜上有樓

曰元暢宋沈約吟詠於此

八詠詩注南齊隆昌元年太守沈約作八詠詩留題

於元暢樓壁間

萬曆金華府志八詠樓在府學西舊名元暢

太守沈約建有八詠詩宋至道間知州馮伉易名八

詠景祐三年知州林洙重建後改為星君樓之玉皇

閣移其扁於八詠門城樓上

崔顥登八詠樓詩梁日東陽守為樓望越中綠

窗明月在青史古人空江靜聞山欹川長數塞鴻登臨白雲晚流恨此遺風嚴維送客之東陽詩明月雙

溪水清風入詠樓少年為客處今日送君遊謝翱八

詠樓詩江山此清絕寒角夢中吹飛鳥過帆影遊塵空戟枝水交明月動槎泐故洲移已薄齊梁二猶吟

沈約詩趙孟頫八詠樓詩山城秋色靜朝暉極目登臨未擬歸羽士會聞遼鶴語征人又見塞鴻飛西流

二水玻璃合南去千峯紫翠圍如此溪山良不惡休文何事不勝衣

清風樓

萬歷金華府志在州城旌孝門東城上元馮

伉建

萬歷金華縣志縣東三里石碕巖下瞰大溪巖下有洞嘗見梅花泛出因名梅花洞樓在其上

金華雜識郡城南有八詠樓其東有明月樓又東有清風樓爭雄競勝而溪山之槩攬挹無遺矣

謹按金華府志稱元指揮馮伉建考伉以宋淳化五年守金華此樓當與八詠並建蓋郡志之誤也

明月樓

金華游錄在州城赤松門石碕巖城上宋宣

和中建

黃潛明月樓詩遺堞何年有飛甍壓上頭鼓聲分大幙香火望靈湫曲岸舟如失遙沙樹

欲浮登臨且吾
土未敢恨淹留

翠微樓 輿地紀勝在州衙之北子城上宋元豐中知

州范子明建 萬歷金華縣志元符中知州孫載改為迎華樓

雙溪樓 方輿勝覽在郡城上米元章書金華府志樓

俯瞰雙溪宋熙寧中建政和初知州呂滂改名疊嶂

萬歷金華縣志在通遠門外雙溪合流之陽即宋麗澤書院故址舊在蕪樓前外城上宋郡守黃特建米

芾題

金華樓 金華府志在府子城上對金華山

明遠樓 萬歷金華府志在州西南七十三步 萬歷金華縣志

樓在縣東南三里宋錄事參軍解舍跨門建樓盡見一縣山水

華豐樓 萬歷金華府志在金華縣南今惠民藥局宋

酒務故址

赤松樓 萬歷金華府志在州城赤松門呂成公記

平遠樓 金華府志在州東清河館後盡見溪山

邀月樓 在赤松山見王柏長嘯山游記

聚星樓 萬歷金華府志宋宗室子趙良恭建在蘭谿

縣隆禮坊杜清碧書扁黃文獻公記 蘭谿縣志至順庚辰仲冬大雪

趙敬德置酒聚星樓上張景留錢彥明董心傳傅德元吳敏德源伯濬仲徐均善逢吉主賓凡十人賦詩引歐蘇二公賞雪故事亦一時之佳會也

輝映樓 陳樵輝映樓賦序東陽縣學之傍有輝映樓

東作海江通元 卷四十七
宋紹興二十六年令劉偉建

文星樓 成化東陽縣志在縣東子城之上宋寶祐元

年令何宗社建

白雲樓 劉基有永康胡元鼎白雲樓詩

聽泉樓 萬歷永康縣志方巖東石谷舊有樓曰聽泉

胡濟源作蘇伯衡記

天階景璧樓 萬歷武義縣志在白嶺

張國裳重建天階景璧樓疏舊

為發星樓

玻璃閣 金華雜識在金華山智者寺後

蘭陰閣 萬歷金華府志在蘭谿縣治清心堂後宋建

明洪武末卽其地作望雲樓今為蘭臯亭

逸老閣 萬歷蘭谿縣志宋唐堯卿建今址存

蒼漪閣 蘭谿縣志在天福山告天臺側

環翠閣 東陽縣志在縣南五里中興寺後宋治平間

建紹興初令王榕榜今名

面香閣 東陽縣志宋紹興中令留觀德建於西北隅

前植叢桂故名卽縣署舊址

淨照閣 萬歷義烏縣志在舊丞廳宋紹興十二年沈

直方建

屏風閣 萬歷永康縣志方巖之頂有洞深二丈卽洞

爲閣在佑順祠後

披仙臺 萬歷金華縣志又名望仙在千戶所後子城

上相傳卽觀星臺

金華府志在子城上金華樓西前對金華山

蓬瀛臺 金華雜識金華山三仙祠有碑刻蓬瀛臺三

字

釣魚臺 明一統志在府城下湖水四時清澈

告天臺 李得陽告天臺記蘭谿趙氏自清獻六傳而

生禕禕生景文登宋進士任蘭谿簿因家焉今蘭谿

稱巨族者趙氏爲最立臺於縣南福山之巔以祀清

獻而配以禕是臺也裔孫郡丞佑卿主之

吳寧臺 東陽縣志在縣圃後宋紹興十三年今吳垌

建蓋以吳寧舊縣之名名之也上有樓名應宿樓俞允

撰吳寧臺詩琴堂畫靜鎖蒼苔高阜峩峩繞碧隈西越山川多異產東吳花縣起靈臺霜寒歸雁梅將放日暖舒桃燕又來虛閣凌波魚涌躍誰堪作賦有鴻才

天香臺 東陽縣志縣有亭塘八景一日天香臺

湖山第一臺 萬歷義烏縣志在舊丞廳宋紹興中建

登高臺 金華府志在義烏縣雞鳴山之九日登高於

此

留春臺 義烏縣志在派溪爲十景之一

兜率臺 鄭東白遊永康壽山記方巖之巔有石洞洞

前有臺石上書兜率臺三字相傳為考亭書按志考

亭嘗與東萊龍川三先生講學於此

風月臺 潘珏有題府館風月臺詩見永康縣志

鳳簫臺 宋濂桃花澗修禊詩序浦江縣元麓山桃花

澗水出焉石入立者高可十餘尺曰鳳簫臺

迴車宅 萬歷金華府志在州西南二百六十步州牧

秩滿僑寓於此

劉峻宅 太平寰宇記金華縣徐公湖梁劉峻居此湖

東山之上擬類苑一百二十卷

萬歷金華府志金華縣紫微山講堂洞即梁劉孝標隱居講學之地著山棲志金華府志武義縣講堂山劉峻亦嘗築室講書於此何基山棲志

跋靈巖古刹聞昔乃孝標之故宅此地上接紫微巖雙龍洞天想其一時飛履上下千峯紫翠之間風致猶目前也雖遺跡不可追企而泉石影響尚存寺之法堂重葺謹以山棲志舊文鐫之此文雖齊梁間餘體而古雅特可喜所謂流洑者蓋洞天之水也劉峻始營山居詩自昔厭喧囂執志好棲息嘯歌棄塵市歸來事耕織鑿石闢巖開軒望巖崩激水闌前流修竹堂陰植香風鳴紫鶯高梧巢綠翼泉脈洞杳杳流湫下不極秀鬚玉山隈想像瑤池側夜誦神仙記且吸雲霞色將馭六龍輿行從山鳥食誰與金門士撫心論胸臆

滕浩宅 東陽人物志浩字至剛家赤松之梁山後隱

於玉壺山 金華府志梁山北近盤泉中有土田居民多滕姓者昔滕至剛寓此

王整宅 金華府志在城山 王整四山敘詠山橋余所隱也城山余所居也

呂祖謙宅 萬歷金華縣志縣北四二坊儒宗嶺呂祖



謙之故居唐仲友宅亦在焉

東萊呂公祠堂記公晚年置屋於城之北隅以

舊居歸之官後門人請於郡以舊居之半為祠堂扁以麗澤書院內為遺書閣

倪普宅

萬歷金華縣志在縣西南望山宋樞密倪普

退隱於此每登之以望臨安

許謙宅

萬歷金華府志金華縣觀山謙六世祖由平

江徙居於此因名許村

婺書謙別字白雲山人宋亡家毀僑居城闈

舒元輿宅

東陽志蘭谿縣花園塢相傳為唐相舒元

輿之故居

蘭谿縣志純孝鄉白露山下有源曰現塢源右有山曰舒婆塢在傳為唐相元輿故

居其下有田十餘畝名曰花園塢臺榭遺址尚存有墓有廟皆以元輿為本邑人然攷之唐書以為東陽人豈其祖居東陽而遷於是耶抑唐以前郡名東陽而以屬邑槩稱未可知也名勝志武義縣書臺山亦

稱元輿讀書處

范浚宅

名勝志蘭谿縣香山下有香溪宋范浚居其

上蘭谿縣志范浚所居有慎獨齋自為記又有顏樂齋

范鍾宰

正德蘭谿縣志宋丞相范公故府在純孝鄉

清口公以淳祐六年乞歸里八年薨於金華驛蓋其

家築室猶未就也

張潤之宅

萬歷金華府志蘭谿縣石阜嶺宋張潤之

讀書於此築溢東書院

陳萍宅

蘭谿縣志元大司徒陳公故府初居桃塢後

徙赤溪

方太古宅

婺書太古居蘭谿溪上因號寒溪子其所

居有皎皎灘

章懋宅

蘭谿縣志其先居浦城後徙至蘭谿純孝鄉

金華雜識章楓山

居在白露山下

斯敦宅

東陽人物志吳斯孝子其宅在東陽縣東四

十里斯山頭

陳安居宅

東陽山水記東陽有飯山上有石壩下有

白雲洞東晉陳安居學道之所

許孜宅

成化東陽縣志晉孝子許孜宅在十六都虎

峯下藍礪村

婺書孜執親喪鎮宿墓所積二十餘年後乃娶妻立宅墓次

羅隱宅

名勝志東陽縣鮑令巖右有唐詩人羅隱宅

東陽縣志宅在縣南五里勒馬峯之麓墨池存焉宋元祐中建棲賢菴曹冠羅隱故宅詩翠微深處有山

居騷客當年此結廬散策喜看遺址在便吟招隱意何如

謹按羅隱新登人其宅在新城縣東五里今金華郡縣志亦載且引宋人曹冠詩為證姑錄之

喬行簡宅

名勝志東陽縣孔山宋丞相喬行簡第在

其下舊有孔山堂雙峴樓釣游亭皆理宗御書

朱汎宅

萬歷金華府志晉朱汎永興中任臨海太守

秩滿居蒲墟村遂為義烏人

宗澤宅

婺書宗忠簡公有一子五孫子穎至京口止

家焉遂葬公江上諸孫還烏傷者苗裔至今存

吳之器有

詠懷吾邑古蹟宗忠簡公故里詩見義烏縣志

王禕宅

金華雜識在義烏縣繡湖傍

宋濂華川書舍記華川書舍者

烏傷王君子充學文之所烏傷有大澤為華川今繡湖即其地子充之居直湖之陰繫以舊名志乎古也蘇伯衡夢芝軒贊序華川先生王禕生於至治壬戌生之前夕大父南棧公夢芝產於所居之軒楣有異兆也崇禎義烏縣志青巖山居王禕讀書其中自撰青巖山房記

呂皓宅

萬歷永康縣志縣東北桃巖有洞可容數百人宋時呂雲溪皓隱居於此

胡則宅

金華先民傳則永康人家於方巖後立為祠

張彥卿宅

東陽山水記武義縣東白陽山晉阮遙集之弟妻劉氏劉伶之女因好山水渡江來隱張彥卿

為永康令亦居於此二姓子孫因家焉

金談宅

萬歷金華府志武義縣東小姬山晉金談為

吳興太守後辭歸隱居於此

李惠宅

金華府志武義縣李公山宋隱士李惠居此

吳萊宅

嘉靖浦江縣志吳溪去縣西十里吳萊之居

在焉

方鳳宅

謝翱遊仙華巖麓記山月泉石饒華巖麓十

五里巖之麓曰鄭村友人方君韶卿廬焉

山殊為秀絕方鳳詩仙華蟲萬俟我乃廬其東

戴良宅

金華府志浦江縣北九靈山戴良居此故號

九靈山人

龍邱萇宅

金華先民傳漢新莽時隱居九峯巖

今地屬湯

溪縣

徐安貞宅

太平寰宇記九峯山有唐書侍郎徐安

貞讀書巖

成化湯溪縣志在縣北十里地名洪塘後裔猶有存者蘭谿縣志東陽志載安貞為

本縣人而信安志又以為龍游人然安貞嘗讀書九峯山雖兩縣界而舊實屬蘭谿當以東陽志為是今

九峯已分屬湯溪矣

徐伯珍宅

金華先民傳伯珍金華人其地今隸湯溪

宅南去九峯山數里伯珍移居之庭除不生連理雙

白鶴巢於戶牖

成化湯溪縣志在縣西五里地名界牌

楊與立宅

萬歷湯溪縣志在縣北十里地名白馬潭

金華雜識楊船山與立家蘭谿其幽居詩云柴門闔寂少人過盡日觀書口自哦餘地不妨栽竹木放聲

啼鳥往來多

謝后宅

金華府志湯溪縣西南苦竹源宋理宗后謝

氏所居之地今其宅滙為深淵

月榭

萬歷金華府志在府城上宋元祐間建

八位門

萬歷金華縣志在坦溪以宋鄭剛中有八曾

孫伯衍伯謙伯源伯衍伯光伯承伯承伯慧皆登顯

仕而名

靈洞山房

蘭谿縣志在栖真寺前趙志臯讀書處

二酉山房

蘭谿縣志北城思親橋畔胡元瑞藏書於

此王世貞記

胡應麟二酉山房記書以經類者三千七百餘卷以史類者再倍之子三倍集

四倍凡三萬六千卷有奇友人黎維敬題曰二酉山房

月區

金華雜識蘭谿北胡玠伯玉之居有明遠樓左

有一區穹窿其巔周密四旁墜以白竅其前如月形

障以紙天光照映虛明常若月在其所扁為月區

茶院

東陽山水記去東陽縣治東五十里曰獨山望

如城郭中為深塢唐宋時有司常治茶於此設茶院

東巖書舍

崇禎義烏縣志在縣東二十五都清德里

滴水巖宋虞復建遺址尚存

水竹洞天

宋濂水竹洞天記同郡胡君伯器世居烏

傷酥溪之上其地山環水縈伯器擇其勝者作亭其

間扁曰水竹洞天而請國子助教鄭濤篆之

鶴鳴阪

金華雜識在永康縣東北三十里俗傳梁時

石翁山鑿石有雙白鶴飛出

佚老菴

呂祖謙佚老菴記橫山吳君泯治別室之西

偏榜以佚老菴

在永康縣

三陽小隱

嘉靖浦江縣志在仙華之麓宋趙崇袍於

此植梅數里名曰梅塢明張應槐仍舊址結廬曰三

陽小隱

鄭氏義門 柳貫鄭氏義門記吾里鄭氏以義門被旌

表自其遠祖淮與二兄居於承恩里其後浸盛名其

地曰二鄭及八世不裂籍以為異用故事賜旌表大

書其門曰孝義鄭氏之門 鄒奕白麟溪鄭氏義門詩

麟溪流水漾清輝華樛文光動紫微九世同居端有義一門純孝在無違桂林

秋零侵黃卷棣萼春風照綠衣昔日千齡同不朽五雲製錦出綸閣

靈淵精舍 嘉靖浦江縣志 縣東東明山元青田尉鄭

德璋創精舍於此以教其族人內有成性四勿繼善

九思四齋傍有水一泓曰靈淵淵東百步有梅花泉

石室 嘉靖浦江縣志 在烏蜀山柳貫讀書之處高敞

可容百餘人

青蘿山房 婺書 宋濂授經浦江鄭氏樂其門風因築

室於浦江之青蘿山作山房志 浦江縣志 山房前舊

園王汝遊青蘿山記宋公園宋太史來遷於此偶閱宋嘉定末官給地券而此園已先有宋公之名太史

嘗嘆其數已前定

盧畝 成化湯溪縣志 縣東南有輔倉源昔昭利侯盧


文臺嘗耕於此故名

百花廳 萬歷湯溪縣志 在縣南三里地名上境宋理

宗為駙馬劉文彥建

花錦地 金華府志 在金華縣西五里有石如錦因名

又永康縣西三十里有石廣數丈文采如錦
 古柏垣 蘭谿縣志古柏垣在徐用檢瞻菴內楊溪橋
 之東相傳柏植於宋元間明太祖取婺時曾駐師其



浙江通志卷四十七

天形製大已

